

Tasdawit n Bgayet
Tasga n Tutlayt d Yidles n Tmaziyt
Aseggas Asdawan 2021/2022
Aseggas amezwaru
Almud : Tira
Massa BENAZZOUZ, K

Tamsirt 03

Addad n yisem

Isem deg teqbaylit, yebded yef kradet n tecrađ tigejdanin i t-id-yesbanayen d isem : tawsit (amalay / unti), amđan (asuf / asget) akked waddad (ilelli / amaruz). Ma ur llint ara tecrađ-a, ur yettili ara yisem.

Ihi isem yesea sin n waddaden ; addad ilelli d waddad amaruz. Addad, d lihala ideg yella yisem.

1- Addad ilelli

Addad ilelli, d addad n yisem mi ara yili yisem-nni :

- D awal iman-is (deg umawal ney deg usegzawal).

Md : Aqerruy, izem, udem

- Deg tazwara n tefyirt (anmel n usentel).

Md : Aqcic, yelluz.

Imru, yerrez ...

- D aseyrı.

Md : D argaz. D umein ...

- D asemmad usrid.

Md : Yečča ayrum.

Yeddem adlis ...

- D arbib.

Md : Taqciqt tamelħant.

Aseklı ayezfan ...

2- Addad amaruz

Addad amaruz, d abeddel i d-yettilin yef teyri tamezwarut, mi ara yili yisem-nni :

- D asemmad imsegzi.

Md : Yeyli uxxam.

Terzef teslit ...

- D asemmad n yisem (s tenzeyt “n”).

Md : Tasarut n tewwurt.

Ixef n wawal ...

- D asemmad arusrid ney d asemmad s tenzeyt.

Md : Yemmeslay i umdakkel-is.

Yufa-t deg ubrid.

Yusa-d seg temdint.

Yewwet-it s usekkaz ...


Tamawt : Tanzeyt “s”, yella wanda i tessedfar addad ilelli, ticki anamek-ines d tanilla.

Md : Yewwet-it s afus.

Yekcem s axxam ...

3- Amek i d-yettas yisem deg waddad amaruz ?

- Isem amalay






I → Yi : Itij → yitij.

Izem → yizem.

U → Wu : Ul → wul.

Uccen → wuccen.

- Isem unti



Tamawin

1- Deg waddad amaruz, ttilint-d tucçdiwin n tira, imi ur yeedi ara wayen ara d-nessusru deg timawit akked wayen i ilaq ad t-naru deg tira tumrist :

- **Amedya 1:** Ad naru : “Tawwurt n uxxam” yas nessusru-d “tawwurt n wexxam”.

- **Amedya 2 :** Ad naru : “Nnif n yirgazen” yas nessusru-d “nnif n yergazen”.

2- Llan kra n yismawen, ur sein ara ticređt n waddad amaruz ; ur tettbeddil ara talya-n sen gar waddad ilelli akked waddad amaruz, dya atas n wid i ixedmen tucçda, ttsemmin-as “war addad” !

Ur yezmir ara yisem ad yili d war addad, imi addad d ticređt tagejdant i wakken ad yili yisem. Dayen ur yezmir ara yisem ad yili d war addad, imi addad-nni ilelli, ulac isem ur t-nesei ara (mi ara yili yisem iman-is war ma yekcem deg tefyirt).

Md : Tala, tama, tili, taddart, laž, fad, lmut, lhif ...

Ismawen-a akk i d-nebder akka, llan deg waddad ilelli, acku usan-d iman-n sen war ma kecmen deg tefyirt. Maca yas llan deg tefyirt, ur ttbeddilen ara talya, acku ur sein ara ticređt n waddad amaruz i wakken ad d-tban fell-asen.

Md : Ruheç yer tala.

Usiq-d seg taddart i ibeeden.